


# Hane' Yá'át'éehii





Ákohgo hastááh nídeezidgo diyingo naal'a'í Géibriyel éí Gálilii kéyahdi Názaresh kin haal'áhíjj' Diyin God bits'áádeé' bi'deel'a', ch'ikééh Mary yolyéhígíí t'ah doo diné bee haleehii bich'j' bi'deel'a', diné ła' David ba'átchíní náás ahoolehíí' Józeph yolyéhígíí éí ch'ikééh yit' ahaa doot'ashgo baa deet'á. Áko diyingo naal'a'í hoł yah íiyáago áhodíiniid, Nit' hózhóq le', agháago nich'ohas'ne'ii, Bóhólníihii nit' hóló! Asdzání bitahgi nik'ihojisdli'! Áko áho'doo'niidígíí t'áá íiyisí bik'ee hatah hodiisnáá', áádóó, Ha'át'íí lá shílní, jinízingo hazhó'ó baa nitsídzikees. Nit'ée' diyingo naal'a'í áhodíiniid, T'áadoo bik'ee nit' yé'í, Mary, háálá Diyin God bit' nílj' síníljí'. Jó'akon, idí'níiltsaąłgo ashkii dííchíít, áko Jesus bee yídíizhiit. Éí ayóó át'èii nilíj' doo, áádóó Aláahdi Ayóó'át'èii biYe' yolyée doo; bizhé'é David naat'áanii nilíj'dáą' bee bóhólníih nit'ée' yéq Bóhólníihii Diyin God beididoo'áát, áko hool'áágóó Jéikab bidine'é yá hoo'áat doo, áádóó bee bóhólníihgo bit' haz'áanii doo ninít'i' da dooleet. Áko Mary ádíiniid, Lą'ąą, Bóhólníihii bá naal'a'í nishíj; bini'dii nizaad k'ehgo shich'j' áhodooníít. Áko diyingo naal'a'í hats'áą' dah nídiidzá.

Luke 1:26-33 & 38



Áádóó Jóseph atdó' Gáliliidéé', Názaireh hoolyéego kin haal'áhídóó, Judiya biyi'góó David bikin haal'áhígíí Béthlehem hoolyéejí' jiniyá, háálá David ba'átchíní náás ahoolehígíí ta' jílí, Mary, hwe'asdzáá dooleetgo haa deet'ánígíí bił, házhi' naaltsoos bik'idoodzoh biniyé jini'áázh, áko Mary éi yiltsáago t'áá ákwe'é dzizkéego, azhdoolchííłji' ayííłká. Áko ashkii átsé doochííłgíí jishchíjgo na'at'áhi' łigaígíí bił dzizdisgo béégashii yii' nída'alchoshígíí biih jííłtí, háálá da'nijahí góne' doo há haz'áą da lá.

Luke 2:4-7



T'áá éí kéyah haz'áagi nida'niłkaadii t'ée'go dibé yaa ádahalyá. Nít'ée' Bóhólníihii bidiyingo naal'a'í hak'i hoole'go Bóhólníihii bits'ádi'níłíidii bee hanaagóó i'díídláád, áko t'áá iiyisí nídadzisdzíd. Áádóó diyingo naal'a'í áhodíiniid, T'áadoo nídaaldzidí, háálá jó'akon, hane' yá'át'ée'hii t'áá iiyisí ił hóshóonii bee nihił hodeeshnih, áko éí diné t'áá altso bá dooleet, háálá díí jį David bikin haal'áhígi Yisdá'iiníłtii nihá yizhchį, éí Christ Bóhólníihii niłj. Áko díí bee nihič'j' ééhózin doo: na'at'áhí łigaii éí awée' bił yisdisgo béégashii yii nída'alchoshígíi yii' sitįigo deidoołtséeł. Nít'ée' t'áadoo hooyání éí diyingo naal'a'í binaagi yá biyi'déę' diyingo nidaal'a'í t'óó ahayói áłah silįj', áko Diyin God yaa dahaniihgo ádaani: Aghánáhóó'áágóó Diyin God baa ha'niih, índa nahasdzáán bikáa'gi diné éí Diyin God yaa bił dahózhónígíi bich'j' hózhó náhásdlįj'!

Luke 2:8-14



Áádóó ashkii nooséetgo bidziil yileet, hódzá t'áá íyisí bii'  
hooleet, índa Diyin God bibee ajooba' bee bik'ihojidlí.

Luke 2:40



Honoojidi John tó yee asíjngo níyá. Łahgo át'éego Diyin God bich'j' tsínáhodiikesgo habaąhági át'ėii há yóo'iididoo'aałgo tó bee ho'didoolzjhí yee na'neeztáá'. Áádóó Judiya kéyahdóó t'áá át'ée nít'ée' ında Jerúsalem dóó ałdó' t'áá ałtso haa haaskai, áko bibaąhági ádaat'ėii yęę yee ádaa dahalne'go Jórdan tooh nílínigíi biyi' tó bee dadzísíj'. John ęi gháą'ask'idii bighaa' ęe' bee ályaago ha'ée', áádóó akał sis bee áká dzíszaaz, ında nahachagiitsoh ında tsés'ná bit'izh bikiin nijighá. Áko hojilne'go ájini, Shikéedéę' ła' shiláahgo át'ėii náánaádaát, ęi yaa ádeeshniłłgo bikét'óól k'e'deesh'atgi nidi doo bąąh nishłł da. Shí ęi tó t'ėiyá bee danihisíjłh nít'ée', nidi bí t'ėi Níłch'i Diyinii yee danihisíjłh dooleet. Áko ęi yookkáat yęędąą' Gálilii kéyah biyi'gi Názařeth hoolyéedóó Jesus jiníyáago John ęi Jórdan tooh biyi' tó yee hóosíj'. Tó biyi'déę' hajíiyáago, t'áá áko yádihłł ąą ádzaago Níłch'i Diyinii ęi hasbídi nahalingo hak'ijj' hadahooleetgo jilłtsá, áádóó yádihłł biyi'déę' iinée' diists'ąą'go áni, ShiYe' ayóó'óosh'niinii nílł; t'áá iiyisí naa shłł hózhó.

Mark 1:4-11




Áádóó Jesus dayílk'idgóó ajiíyáago t'áá hóznínígíí hágo bizhdíiniid, áko éi haa haaskai. Áádóó diné naakits'áadah bił nijikai dooleetgo éi Diyin God bizaad yaa dahodoolnihgóó ahizhdoot'aat biniyé bits'ázhnínil, áádóó bee óhólníihii bee dahólóqgo [baḡah dah nahaz'áanii hadaatt'é anídeidle', áádóó] níłch'i bida'iiníziinii bii' dahólóonii yii'déé' hadeiniitkaad doo atdó' biniyé bits'ázhnínil.

Mark 3:13-15



Ákwe'é Férísii danílinii bitahdóó diné ła', Nikodíimas joolyéego, Jew dine'é binanit'a'í jílį. Díí diné t'ée'go Jesus yaa níyáago áyidíiniid, Na'nitíní, Diyin God bits'áádeé' na'nitínii níłįgo nihł béeedahózin, háálá diné ła' Diyin God doo hoł hólóqgóó, bibee adziilii bee béeedahózinii baa nanináhígíí ch'éeł ázhdoof'įį. Jesus áhodíiniid, T'áá aaníí, t'áá aaníígóó ándishní, Diné doo náabi'dizhchįįgóó, Diyin God bee bóhólníihgo bił haz'áanii ts'ídá doo yoots'éet át'ée da. Áko Nikodíimas áhodíiniid, Haash yit'éego diné ła' haastihgo náabidi'doochíł? Da' hamá biishch'idísh biih nízhdoodáatgo nááhodi'-doochíł? Jesus ánááhodoo'niid, T'áá aaníí, t'áá aaníígóó ándishní, Diné éí tó índá Níłch'i Diyinii doo bee nááho'dizhchįįgóó Diyin God bee bóhólníihgo bił haz'áanii doo biih jóya' át'ée da. Ts'ídá ats'íís bee ho'dizhchíinii éí t'áá ats'íís jílį índá Níłch'i Diyinii bee ho'dizhchíinii éí t'áá níłch'i jílį. John 3:1-6





Áádóó  
náábiiskání  
Néin hoolyéedi kin  
haal'áágóó jiniyá, áko  
hódahool'aahii índa diné  
t'óó ahayóí hoł yíkai. Nít'ée'  
kin haal'áago bił yah e'atiin  
bidáádílkałji' ajíiyáago, jó'akon, ła'  
dadziztsá lágo ch'ího'deeltj, éi t'áá hó t'éiyá asdzání  
baḡh áhásdjidií nilíinii biyáázh jíłji' nít'ée' lá, áádóó kin  
haal'áádóó diné ła'í baa áłah nilj. Áko Bóhólníihii  
hooltsáago haa a'ááh niizji'go áhodíiniid, T'áadoo nichai. Áádóó hwiighahgi  
deeyáago bee nidaho'diltéhígíi yideelchidgo, da'ítteehii deizj'. Áko daazt-  
sánígíi áyidíiniid, Dinééh, ándishní, Níidiááh. Áádóó neezdáago, ayá'niłti'.  
Áádóó hamá yaa náhonítj. Áko t'áá altso t'óó bił daayée'go Diyin God yaa  
dahaniihgo ádaaní, Diyin God yá halne'ii ayóó át'éii nihitahgi níidiizáá lá!  
áádóó, Diyin God bidine'é yíká adoolwoł yiniyé yaa níyáá lá! Luke 7:11-16



Jesus jidée'íí', nít'ée' diné t'óó ahayóí hach'í' dayíkáahgo jiltsá, áko Philip ábizhdíiniid, Háádéé' lá bááh nidahidiilnihgo díí diné da'dooyíí lá? Éí t'áá daats'í íiyisí shijoodlá nízingo áhátní, háálá ádoonílgíí t'áá bí bit bééhózin. Áko Philip áhodíiniid, Bááh éí denériyas' > naakidi neeznádiin bíighahgo nahaaznii' nidi t'áadoo bidínóotnah da, azhá t'áátá'í nítínigo áłch'íídigó bada'iistsood nidi doo bidínóotnah da. Nít'ée' hódahoot'aahii ła' Andrew, Sáíman Peter yit háá'ázhígíí, áhodíiniid, Kóq ashkii léi' t'oh naadáq' bidee'í łees'áán ashdlá'go áádóó tóó' áłts'íisígíí naakigo neijaah, nidi éish ákózhnéeláq'go hodínóotnah? Áko Jesus ádíiniid, Diné t'áá áłtso dadinohbjih bidiní. Éí haz'ánigi t'oh yil'áago ákwii diné ashdladi míilgo daats'í dineezbin. Áko Jesus éí łees'áán néidiinilgo, Diyin God yich'í' yaa ahééh niizíí'go, [bídahoot'aahii yitaznii', áádóó bídahoot'aahii éí] dadineezbinígíí yitaa deiznii'; tóó' áłdó' t'áá bee hwiih ódle' bíighahgo yitaznii'. Hwiih daazlíí'go hódahoot'aahii ábizhdíiniid, Bi'oh nida'iis-dá'ígíí áłah ándaahdlééh, áko doo t'áá ádzaai dooleet da. Áko t'oh naadáq' bidee'í łees'áán ashdlá' neheesti'go dajíiyáq'ii, éí bi'oh da'jíiyá'ígíí ts'iizis naakits'áadah bii' hadazhdééłbjid. Áko Jesus habee adziilii bee bééhózinii baa nijyáhígíí dayiiltsáqo ádadíiniid, Díí t'áá aaníí Diyin God yá halne'ii nahasdzaán bikáa'gi doogáát hodoo'niidii át'íí lá. John 6:5-14



I'í'áago be'ek'id góyaa hódahool'aahii hadanáákaigo, tsinaa'eeł yiih náákai, áádóo Kapéniyamgóó tsé'naa bił dah adii'éél. Áko hiłiiłł'go Jesus t'ah doo haa nádaah da. Nít'éé' ayóó át'éego deeyolgo biniinaa tó náadadiidaáh. Áko táá' daats'í, dıı' daats'í tsin sitá ánızahgóó da'jıl'eełgo Jesus tákkaa'góó tsinaa'eeł yich'ı' yigáałgo dajiltsá. Áko bik'ee hoł yéé' dahazlıı', nidi áhodíiniid, Shıyee' ásht'ı; t'áadoo nídaaldzidí. Áko haa bił dahóozhııdgo tsinaa'eeł yiih dahast'-e'go, t'áá áko kéyah bich'ı' da'jıl'eełgıı baa da'dzis'éél.

John 6:16-21




Áko diné ta' átchíní yázhí bidazhdoolchit biniyé hach'j' nidayii'éésh, nít'ée' hódahool'aahii éi deideezteh. Nidi Jesus éi yaa ákoniizj'go yik'ee doo bit hoozhogod da, áko áhodíiniid, Bini'dii átchíní shaa hakááh, t'áadoo shich'j' nidanoh'iní, háálá ákódaat'éhígíí Diyin God bee bóhólníihgo bit haz'ánii bíí' ádaat'é. T'áa aaníigóo ánihidishní, T'áa háiida átchíní yázhí nahalingo Diyin God bee bóhólníihgo bit haz'ánii doo ádaazhdeet'ánígíí éi doo biishdoogaał da. Áko náhizhdilteehgo bik'i dah dahizhdilníihgo bá sozdoolzin.

Mark 10:13-16



Shí yá'át'éehgo dibé yaa áhályáanii nishíj. Yá'át'éehgo dibé yaa áhályáanii éí t'áá bí dibé yich'áq̄h niná'ádiit'aah. Jó, shidibé shiinée' deidiits'a', áádóó béedahasingo shikée' nidaakai, índa iiná doo ninít'i'ii baa hidish'aah, áko ts'ídá doo ádadoodijł da, doo nidi ła'da shílák'eedóó haidiyoothą́ł da. John 10:11 & 27-28




Áko aláahgo nááda'iitniihii índa Férísii danilíinii éi yá nidaha'áii álah ádayiilaago' ádadíiniid, Haasha' dadii'níí? Jó, díí diné bibee adziilii bee béedahózinii táągóó yaa naaghá. Áko éidíígíí doo bee baa nídeiit'íígóogo, diné t'áá altso dabiidoodlaął, áádóó Rome dine'é dadookahgo nihihodiyingo haz'ánígíí índa nihidine'é éi nihikéyah t'áá bił t'áá haz'ąą nít'ée' nihits'ąą' deidoolchxqł. Nidi álah silí'ígíí ła', éi Kéiyafas joolyéego t'áá éi yihahígíí biyi' aláahgo náá'iitniihii jíłjigo, hadzoodzii'go ájini, T'áadoo nihił bée-dahóziní da; diné t'ááłá'ígíí diné t'áá altso yá dadootsaalgo, áko Jew dine'é doo t'áá át'é ádooldjígóó nihá yá'át'éhígíí, éi doo baa nitsídaahkees da. Éi doo t'áá haniik'eh hadzoodzii' da, nidi t'áá éi yihahígíí biyi' aláahgo náá'iitniihii jíłjigo, Jesus éi Jew dine'é yá dadootsaal jiniigo t'áá bítséedi áhodooniitii baa hojoolne', áádóó doo t'áá éi dine'é t'éiyá bá da, nidi Diyin God ba'átchíní t'áá níłtéel nít'ée' tadaoskaígíí t'ááłáhijj' álah iidoolíł atdó' biniyé. Áko éi bijjídóó dahodiyoothéłígíí t'éí yaa nídaat'j.




Áko i'íí'ąągo Jesus hódahool'aahii naakits'áadahígíí bił dazh'-  
dooyíł biniyé jidineeabin, nít'ée' da'jiyąągo Jesus ázhdíiniid,  
T'áá aaníí ánihidishní, Nihí ła' nináshididooh'áát. Áko t'áátá'í  
jinítínigo t'áá íyisí baąą daháni'go t'áá ałkéé', Bóhólníihii, da'  
shíish? dajiniigo baa nízhdikai. Áko haadzii'go ádíiniid, T'áá shił  
ée'é'áhígíí éi nináshididoo'áát.

Matthew 26:20-23






Ádaḡah dah hast'ánígíí nidilt'éego ałdó' nidootsilijj' hoł bi'deet'eezh. Áádóó Tsiits'in hoolyéego haz'ánigi ildee'go, ákwii tsin ałnáoszid bikáa'jj' hoł ada'askaal, ádaḡah dah hast'ánígíí ałdó', ła' honish'náájigo dah hidiilt'e', ła' éi honisht'ajigo dah hidiilt'e'. Nít'ée' ádaḡah dah hast'ánígíí hoł bił o'oolkaalígíí ła' hwéédzii'go áni, Christ níłjį ládáą' yisdá'ádılteeh, nihí ałdó' yisdánihíniít! Nidi ła'ígíí bich'ahashkéego ábíłní, Da' Diyin Godísh doo béeníłdzid da? Jó, ni ałdó' t'áá hógi át'éego dadíłtsaałgo ná nihoot'ą. Ni áádóó shí t'éi t'áá ánihidi'doolniít góne' nihá nihoot'ą, háálá iídzaaígíí biniinaa t'áá ánihi'dólne' góne' ánihi'dil'j, nidi díi diné éi doo baḡahági ádzaa da. Áádóó Jesus áyidíniid, Bóhólníhii, bee nóhólníhii biih yíníyáago shéeníłniih doo. Áko ábizhdíniid, T'áá aanígoó ándishní, Díi jį Kéyah Hózhóḡdi shił honíłḡ doo. Luke 23:32-33 & 39-43






Nít'ée' ałní'ní'ąągo daats'í, áádóó táadi ahée'ílkidjį' t'áá át'ée' nít'ée' chahóóthéelgo jįhonaa'éi yijįjį', áádóó kin bii' sohodizin biyi' góne' ach'ąąh naníbaalii ałch'áádláád. Áko Jesus yéego hazhdool-ghaazhgo ájíní, ShiTaa', shii' sizíinii nílák'edish'aah! jidíiniidgo hajíyol. Áádóó siláo binanit'a'í áhóót'įjdígíi yiyiıtsąągo, Diyin God yaa haznihgo ání, T'áá aaníi díi diné ts'ídá t'áá ákogi át'ei niłjį nít'ée' lá!

Luke 23:44-47




Áko Arimathíya hoolyéedéé' diné at'íinii léi' Jóseph wolyéego, éi atdó' Jesus yíhoot'aahii niíjigo, híítch'j'go niyá. Éi Páilat baazhniyáago Jesus bits'íis yéé bíjii'keed. Áko Páilat éi ats'íis haa nídooltéetgo yee haadzíí'. Áko Jóseph éi ats'íis haa náltjigo, áts'óózigo yisdizígíí bee na'at'áhi'ígaii dits'idgo ályaii chin baḡah ádinii bił dzizdis, áádóó t'áá ániidígo tsení'oot-séel, t'áá hó ádá hasht'ehojiilaaí góne' nizhníítj, áko tsé ayóó áníitso léi' bidáázhdiniílmááz áádóó dashdiiyá. Áko Mary Mágdaliin índa Mary ła'ígíí atdó' éi tsení'ootsélígíí binaashiidéé' síké.

Matthew 27:57-61




Nidi damíjgo aleeh góne' naaniinítkáągo, líkání halchinii spáis wolyéii hasht'edajiilaa yéę dajíjáahgo tsení'ootséeldi náájíkai, [áádóó ła'ígíí ałdó']. Nít'ée' tsení'ootséelgi tsé dáádeelmázígíí nahjí' eelmááz lá, nidi yah ajookaigo Bóhólníihii Jesus bits'íís ch'ééh hádazhdée'jji'. Díí t'ahdii ch'ééh baa nitsídadzikeesgo, jó'akon, diné nidilt'éego bi'ée' t'áá íiyisí bits'ádi'nííidgo hwiighahgi yiizj', áko bik'ee t'óó hoł dahóoyée'go ni'jji' yaa ádadziidzaa, nít'ée' diné áhodíiniid, Ha'át'íishą' biniyé daneeznáanii bitahgi hináanii hádasídóo'jji'? Jesus doo kwe'é da, nidi daaztsáądée' náádiidzá. Gáliliidi t'ah naagháháądąą' yee nihił hoolne'ígíí béédaatniih, sháą', Diné Silíjii'ii diné baąhági ádaaniitii bílák'eejj' ninádidoot'áatgo tsin atnáosziid bikáa'jji' bił i'doolkał, áádóó tági jji' aleeh góne' náádidoodáát, níi ni'. Ákohgo índa bizaad béédajoolnii'.

Luke 24:1-8



Áko t'áá ákwii oolkiłgo dashdii'áazhgo Jerúsalemgóó t'áá níjt'áázh, nít'ée' ła'ts'áadahígíí índa ła' yit' naakaígíí t'áátáhígi átah nilįigo bik'ízh-ní'áázh, áko ádahatní, Bóhólnihii t'áá aaníí náadiidzáá lá, áádóó Sáíman yich'į' yit'íni í'diilyaa lá! Áko atingóó áhóót'įdígíí, índa bááh niyitíihgo béehodzoosįdígíí ałdó' bee bił hojoolne'. Áko díí t'ahdii baa yáįiti'go, nít'ée' Jesus t'áá bí haní'gi yiizį' [áádóó áhátńi, Nihich'į' hózhọọ le']. Nidi ha'át'íi shįį bich'įdii át'į danízingo hak'ee tsídadoolyizgo bił yée' dahazįį'. Áádóó ábizhdíiniid, Ha'át'íishą' bik'ee nihił daayée'? Áádóó ha'át'éegoshą' danihijéi biyi'di nihił naaki dahazįį'? Shíla' áádóó shikee' danól'į, áko t'áá shí ást'į; shídadołnih, áko nihił béedahodoozįł, háálá nıch'i éi bitsį' índa bits'in doo hólọọ da, nidi shí éi dashinól'įigo shits'íis hólọ. Áádóó kózhdíiniidgo hála' índa hakee' há deinéet'įį'.

Luke 24:33-40



Áádóó ábizhdíiniid, Jó, bee ak'e'ashchí, éí Christ ti'hwiidoonih áádóó tágí jį aleeh góne' daaztsáądédé' náádidoodaál, áko házhi' bee na'nitingo łahgo át'éego tsínáhodiikeesgo baąhági át'éii bits'á'i-ildééh índa á yóó'ahidit'aahii ał'aą dine'é t'áá ałso bee bił dahane' dooleetgo Jerúsalemdóo hadoot'ih. Díí ádahóót'įdígíí nihí oo'íinii danohį. Áko Béthanii bich'į'go ch'íhoní'eezh, nít'ée' yadidiilnii'go há sodoolzin. Áko hak'įisdli'go dego hats'ąą' dah bidi'diiltį, áádóó yá'aąsh biyi' góde anáhóóle'.

Luke 24:46-48 & 50-51

Háálá Diyin God éi nihokáá' dine'é t'áá íyisí ayóó'ájó'níigo baą haYe' t'áá'á'í há yizhchínígíí baazhnítj, áko t'áá háiida boodląągo baa dzólhígíí éi doo ádoodjł da, nidi iiná doo ninít'i'ii bee hólqo dooleeł. Háálá Diyin God haYe' nilíinii nahasdzáán bikáa'ji' jinił'a'ígíí éi doo nihokáá' dine'é yá nihodiyoo'áál biniyé jinił'a' da, nidi bí bee nihokáá' dine'é yisdádoo'nił biniyé jinił'a'. T'áá háiida boodląągo baa dzólíii éi doo bá nihoot'ąą da, nidi doo boodlánígíí éi t'áá ídáą' bá nihoot'ąągo át'é, háálá Diyin God haYe' t'áá'á'í há yizhchínígíí bízhi' doo bił daniljgóo t'áadoo dayoosdłąą da.

John 3:16-18

Bąąhági át'éii nihii' ádin dadii'níigo ádinda'idlo', áko t'áá aaníinii doo nihii' dahólqo da. Bąąhági ádeiit'ínígíí bee ádaa dahwiilne'go, hó ha'ahódlíii índa ts'ídá t'áá ákogi áániłii jiljigo nihibąąhági ádaat'éii aftso nihá yóo'azhdidoo'áál, áádóo doo t'áá ákogi ádeiit'jdií aftso nihaąą táázhdoois.

I John 1:8-9

Jesus áhodíiniid, Shí honít'i'ii áádóo t'áá aaníinii índa iiná nishłj; diné doo ła' aTaa' yaa doogaał da, shí sheego t'éiyá.

John 14:6

Dziil nihigháanii áádóo nihiyéel dandaazii t'áá ánółtso hágo, shaa hohkááh, áko háádaalyjhgóo ánihideeshłł. Shi'azéédéetáni ázéédadóohtjhgóo shiighah nidaalnish, áádóo shídahool'aah, háálá a'ohgo ádíi'níszin áádóo ádaa hojiinishbá'í, áko éi bee nihii' naazíinii yee háádaalyjhgóo doo. Háálá shi'azéédéetáni doo nantł'agóo bee na'anish, áádóo shiyéel éi ászólí.

Matthew 11:28-30

Áádóo náánała' Diyin God bibee adziillii bee béédahózinii t'óo ahayóí Jesus hódahool'aahii bináál t'áá aaníi baa nijiyáhígíí éi díi naaltsoos doo bik'inídaháasdzo da, nidi Jesus éi Christ, Diyin God biYe' niljigo dei-doohdląąłgíí biniyé díidígíí bik'inídaháasdzo, áko éi deinohdląągo baa dadziínóhłigo bízhi' biniit'aa iiná nihee dahólqo dooleeł.

John 20:30-31

Álfa áádóo Oméga, bee hodeezt'i'ii áádóo bee nihonít'i'ii, áłtséhígíí áádóo akée'diígíí shí éi nishłj, ní Jesus.

Revelation 22:13

ΑΩ



Da' dǐi sodizinish i nij biyid bee sodideeziil ninizin? T' knzingo i d bee sodidl d Christ yeahaadz'ii i n'iina' yidoog.

Bhlnihii Jesus, bahgi n nish b'ada'kwinis'zd d sh'iina' n nl. h' shibgi t'i tso shaanidn' d h'ago iina' shaadn'. Sh'iina' bi'nnago shyisd'n d shibhlnihii nileh. T''shd sh'iina' bee nhooln l

Nzh' \_\_\_\_\_

Yool \_\_\_\_\_

Illustrated by: Linda Riddell

Navajo Scriptures are from the Navajo Bible  
© 2000 by American Bible Society

[www.goodnewscoloringbook.org](http://www.goodnewscoloringbook.org)

Navajo

